



"Knjiga porodičnih vrijednosti" - radionica za roditelje i djecu

Radionica je osmišljena kao kreativno-edukativno druženje roditelja i djece koje ima za cilj jačanje porodičnih odnosa kroz razgovor, saradnju i zajedničku izradu personalizovanog sadržaja tj. "Knjige porodičnih vrijednosti"



Tags

Odgojne strategije

Aktivnosti sa porodicom

Organizacijski oblik nastave

Starija vrtićka grupa (5-6 god.)

Suradnja škole sa roditeljima i zajednicom te razvoj školskog kolektiva

Aktivnosti sa porodicom

Trajanje

60 minuta

Oblasti

Socio-emocionalni razvoj i razvoj ličnosti

Ključne kompetencije

Kompetencija kulturološke svijesti i istraživanja

Ciljevi i ishodi učenja i poučavanja

CILJ: Podstaci razvoj porodičnih veza, zajedništva i međusobnog uvažavanja kroz zajedničku aktivnost djece i roditelja, u kojoj izrađuju „Knjigu porodičnih vrijednosti“ – unikatnu knjigu koja sadrži ono što je svakoj porodici važno. ISHODI: - Jačanje emocionalne povezanosti između roditelja i djece. - Razvijanje svijesti kod djece o važnosti porodičnih vrijednosti. - Podsticanje kreativnog izražavanja i timskog rada. - Jačanje partnerskih odnosa porodice i vrtića

Detaljan opis realizacije

Uvodni dio:

Vaspitači pozdravljaju prisutne, objašnjavaju da je cilj radionice jačanje porodičnih veza i razvijanje svijesti o važnosti porodičnih vrijednosti kod djece predškolskog uzrasta. Kroz kratak razgovor sa roditeljima dolazi se do odgovora na pitanja koje vrijednosti prepoznaju u svojoj porodici (poput ljubavi, poštovanja, iskrenosti, podrške, tradicije i sl.) i kako ih prenose na djecu.



Glavni dio:

Vaspitači objašnjavaju da se na stolovima nalazi materijal koji je potreban za izradu knjige (papiri u boji, ljepila, kanapa, makaze, flomasteri i bojice) i daju uputstvo za sljedeću aktivnost. Svaka porodica će kreirati stranice za svoju "Knjigu porodičnih vrijednosti", koja može da sadrži:

- crteže,


- fotografije sa različitih događaja koje su donijeli roditelji i predstavljaju vrijedne uspomene,
- rečenice ili riječi koje opisuju važne vrijednosti njihove porodice,
- poruke,
- stihove najdražih pjesama,
- nazive bajki koje čitaju djeci,
- recept omiljene poslastice koju pripremaju u porodici,
- simbole koji predstavljaju njihove porodične principe i sl.

Njihov zadatak je da zajedno osmisle i ukrase stranice koje će biti obuhvaćene u knjizi, a vaspitači tokom rada prilaze i kroz razgovor sa roditeljima i djecom prate njihov rad. Kada završe, uz pomoć kanape ih povezuju kreirajući tako svoju "Knjigu porodičnih vrijednosti".



Završni dio:

Svaka porodica kratko predstavlja svoju "Knjigu porodičnih vrijednosti" grupi i izvodi se zajednički zaključak o tome koliko je važno svakodnevno njegovati porodične vrijednosti.



Knjige ostaju nekoliko dana u vrtiću, gdje ih djeca pokazuju jedni drugima. Kroz međusobni razgovor prepričavaju njen sadržaj, a potom ih nose kući kao jednu lijepu uspomenu.

Potrebni resursi

- papri u boji
- porodične fotografije
- flomasteri, bojice...
- ljepilo
- makaze
- kanap

Praćenje i procjenjivanje

Evaluacioni list koji popunjavaju roditelji nakon realizacije radionice, a podrazumijeva njihove utiske i zapažanja.

Ideje za domaće zadatke (nastavak aktivnosti) i uključivanje roditelja

Kod kuće razgovarati o porodičnim vrijednostima i njihovom značaju.

Savjeti za druge nastavnike/ce kod realizacije ove lekcije/teme

Prije realizacije radionice obavjestiti roditelje da je poželjno da donesu fotografije, pripremiti materijal i stvoriti prijatnu atmosferu za rad.

Metode i tehnike

Metoda razgovora

Kreativnost u nastavi

Collections

Priprema za čas - Predškolsstvo

Odgojne strategije

Partnerstvo obitelji i škole

Prosečna ocena

4.9